

# 疝

曾按內經大奇論曰腎脉大急沉肝脉大急沉皆為  
疝證心脉搏滑急為心疝肺脉沉搏為肺疝蓋疝者  
寒氣結聚之所為故令臍腹絞痛者是也又巢元方  
曰諸疝者陰氣積于內復為寒氣所傷榮衛不調二  
氣虛弱風冷入腹而成故脉經云急者緊也緊則為  
實為實為痛血為寒泣音澁則為瘦氣為寒聚則為疝  
本臟氣虛外感於寒濕內傷於生冷遂使臍腹  
絞刺波搏而痛無有定處倉卒之際不堪忍者謂之

疝也並宜先用五苓散沸湯調服和解輕則但以白芍藥湯烏梅散釣藤膏爲治重者金茱丸散氣丸未有不愈也

仁齋癩疝者陰核氣結腫大而釣痛也

多因小兒啼怒不止動陰氣故陰氣下繫結聚不散而得之或胎婦啼泣過傷令兒生下小腸氣閉亦變此證惟是陰氣不得流行加以風冷入焉白水聚焉故水氣上乘於肺先喘急而後疝痛其狀有如李者亦有稀軟者亦有并腎腫大者亦有大硬者臍下痛楚皆不能忍用藥行心氣逐腎邪利其大小二便更

補法

薛小兒陰腫疝氣者多屬肝腎氣虛及坐

道不行或稟父肝經虛熱或妊娠肝氣鬱結或乳母  
怒動肝火而致者若兒肝經熱用梔子清肝散兒啼  
躁怒用勻氣散乳母恚怒用柴胡清肝散肝火氣逆  
用加味道遙散小腹作痛小便澁滯用龍膽瀉肝湯  
久坐冷地小便不利用四苓散加柴胡山梔車前子  
不時寒熱者加味小柴胡湯經云肝氣熱則莖痿宗  
筋弛縱腎莖腫脹或出白液痒痛或裏急筋縮挺縱  
不收或精隨便下者此名筋疝俱屬肝火不係於腎  
宜詳治之

茱萸內消丸 治小兒陰癩偏大上攻臍腹疔痛膚

囊腫脹或生瘡瘍時出黃水

川棟子 炒壹兩半

大腹皮

五味子

海藻 洗

玄胡索 各壹兩貳錢半

桔梗

青皮

山茱萸 去核各壹兩

木香 朱錢半

藜香 炒

桂心

川烏頭 炮去皮臍

吳茱萸

桃仁 麩炒另升

食茱萸 各伍錢

右為細末酒糊為丸如麻子大每服參拾丸空心

溫酒送下

當歸散 治小兒癩疔

牽牛 微炒 取仁

辣桂 各半兩

當歸

大黃 各貳錢半

全蝎 壹錢半

桃仁 湯泡去皮 尖貳錢半

右剉碎每服三錢水一鍾入蜜半匙煎至五分食

前服以利為度

川棟丸 治小兒癩疔小腹痛引腰脊攣曲身不能

直

木香

檳榔

三稜

蓬莪茂 炮

青皮 去白

陳皮 去白

川棟肉

芫花 米醋浸炒 各半兩

辣桂

牽牛 生取仁 各叁錢

巴豆 不去油 壹錢

右為細末飛麩糊為丸如麻子大每服參丸空心  
用生薑湯送下

五苓散 方見驚搖

曾白芍藥湯 治冷疝腹痛及誤汗誤下即壞證傷

寒是也並宜先服次投對證之劑

白芍藥 壹兩半

澤瀉 去粗皮 柒錢半

甘艸 貳錢

薄桂 去粗皮 壹錢半

右件咬咀每服貳錢水壹盞煎柒分空心溫服誤  
汗誤下加人參南木香各貳錢臍下痛入生薑及

鹽煎或加釣藤亦好

烏梅散 治腹疼及初生嬰孩臍下冷痛疝氣等症

烏梅 去核

玄胡索

粉草 半生半炙 各伍錢

乳香

沒藥

釣藤 各貳錢半

右件咬咀每服貳錢水壹盞煎柒分空心温服

金鈴散

治疝氣腹痛投諸藥後瘡而復作宜服

金鈴子肉 陸錢

三稜 炮剉

莪茂 醋煮剉

青皮 去白

陳皮 去白各 貳錢半

赤茯苓 去皮

藜香 各半兩

南木香 貳錢

甘草 炙肆錢

檳榔

枳殼 去瓢麩 炒黃

釣藤 和鈎 各叁錢

右除檳榔木香不過火餘剉焙仍同檳榔木香為

末每服半錢至壹錢仍用炒穰香煎無灰酒空心  
調服不飲酒者煎炒穰香湯調下

釣藤膏

方見夜啼

金菜丸

治冷疝氣痛及膚囊浮腫

金鈴子肉

壹兩

家園菜萸

半兩

右研末酒煮麵糊丸麻仁大每服三十丸至五十  
丸空心溫鹽湯下溫酒亦可見小者丸粟粒大丸  
數下法同前

散氣丸

理諸疝氣小便利或不通臍下作痛不可

忍者

海藻

湯浸洗去鹹

澤瀉

去金龜皮

藜蘆

車前子

焙

蘿蔔子

瓦上慢火乾焙

川棟肉

用蟹螯玖枚去

翅足同炒少時去蟹螯

大腹皮

淨洗洗焙乾各去豆兩

右剉焙為末酒煮麵糊丸葉豆大每服叁拾丸至

五拾丸南木香煎酒空心下或防風牡丹皮煎酒

下不能飲者於木香湯防風丹皮湯中各少入酒

並空心投亦可再用鹽炒藿香煎湯尤妙

湯治小腸疝氣家傳妙方

芫花

醋浸炒

木香

檳榔

三稜

各半兩

茯苓

青皮

全蝎

桂枝

附子

硃砂

各貳錢半

右為末將硃砂浸澄去土頓在湯瓶上候成膏子和糖醋打麵糊為丸如豆大每服叁拾丸空心温酒下未効再服

勻氣散

主調補通利後及冷疝腹痛氣滯不和

桔梗

貳兩剉炒

陳皮

去白壹兩

縮砂仁

藁香

各半兩

白薑

貳錢半炮

粉草

肆錢炙

右剉焙為末每服半錢或壹錢空心沸湯調服冷

心復痛堯鹽湯調下

木香飲 治小兒小腸氣痛

川棟肉 拾箇用巴豆柴粒同炒令黃  
色去巴豆不用入懷香半兩

玄胡索 半兩  
南木香 貳錢

史君子 去殼枚

右為極細末用米飲食前調服

梔子清肝散 柴胡清肝散二方並見發熱

龍膽瀉肝湯 治肝經濕熱不利下部生瘡兩拘腫

痛或腹中作痛小便澀滯等證

龍膽草 酒拌炒黃  
澤瀉  
車前子 炒

木通  
生地黃 酒拌  
當歸 酒拌

山梔  
黃芩 炒  
甘艸 各參分

右水煎食前服

四苓散卽五苓去桂

小柴胡湯

方見發熱

# 陰腫

全嬰方云小兒陰腫核腫者由兒啼怒氣逆不順乘虛而行陰核偏大又因甘肥不節生冷過度致生疳氣氣結不行流入陰中或傷暑毒或觸風邪使血氣與邪氣相搏停結不散則成陰腫也 仁齋云若腎經氣虛或坐石不起冷氣凝之或近地經久風邪濕氣傷之不爲陰腫幾希矣間有啼叫怒氣閉繫於下結聚不散加以水竇不行亦能發爲此疾治用桃仁丸主之丹溪謂脫囊腫大墜下不收用紫蘇莖葉爲

末水調荷葉包之一人傳此方用野白紫蘇為末濕  
則摻之乾則香油調傳雖皮潰子墜皆有神効此用  
紫蘇蓋亦同功也

**曾巢元方論**曰諸筋會于陰器

邪客於厥陰少陰之經與冷氣相搏則陰囊腫痛而  
引縮經中雖分四證曰腸癩氣癩水癩卵癩然小兒  
患此若治之不早則成痼疾如腰曲腹痛冷汗自出  
而陰囊二子弔縮入腹痛止方出名為內弔用烏梅  
散勻氣散金菜丸金鈴散為治

有陰莖全縮不見

有陰囊光腫不痛此因肝腎氣虛宜以橘子仁煎湯

調下金鈴散勻氣散皆可投之內經曰癩隆疝膏脹

者陰亦盛而脉脹不通故曰癰癧由是觀之乃陰  
氣盛而致有此弔縮者筋急也筋遇寒則引縮遇熱  
則弛張故三因所用方法以寬小腸氣踈風爲治然  
小兒此證多因坐陰潤之地感風濕而得用當歸散  
加檳榔蒼朮水薑煎服并青木香湯釣藤膏外以立  
消散傳之 有外腎無故而膚囊腫大不燥不痛光  
亮如吹此名氣虛所致以勻氣散調治三因方家非  
子丸主之 一證外腎膚囊赤腫通明及女兒陰戶  
腫脹乃心熱之所傳皆以木通散導赤散爲治或用  
薏苡仁煎湯調五苓散及以外消散傳之併投天花

散用無灰酒煎下不能飲者水煎少入酒同服亦好  
張渙曰小兒足少陰之經虛而受風邪者衝於下經  
則成陰腫病桃仁丹主之

### 桃仁丹

桃仁

柴錢半湯浸去皮尖  
雙仁者麩炒微黃

牡丹皮

白蒺藜

微炒  
去刺

桂心

各半  
兩

郁李仁

貳錢半  
湯浸去

皮微  
炒

右件藥搗羅為細末煉蜜和黍米大每服拾粒  
温酒下乳食前量兒大小加減亦可水煎服

### 胡連散

治陰腫生瘡

胡黃連 去鬚

胡粉 各半

白礬 錢半

湯 右搗羅為細末每用少許以生油調塗患處  
小兒陰腫由啼叫怒氣閉縱於下成此疾宜

海蛤散

海蛤 叁錢

藿香 炒柒錢半

薏苡仁

白朮

檳榔 各半

右為末食錢温酒調下大小加減

桃仁丸

桃仁 去皮尖麩炒叁錢

桂枝 去皮

牽牛 炒頭末

蒺藜

牡丹皮 各貳錢

右為細末煉蜜丸如黍米大用青皮木香蔥白入鹽少許同煎湯食前服

三白散 治小兒解初中腫疾四肢膚囊浮脹大小便不利皆因膀胱蘊熱風濕相乘

桑根白皮炒

白朮

木通

去皮節

陳皮去白

白牽牛半生半炒

甘草炙各伍錢

右咬咀用水煎食前服

丹脫囊即外腎腫大

木通

甘草

當歸

黃連

黃芩

右水煎服

金蛇蚓散

治腎子腫硬成疔用乾蚯蚓為末唾調

傳常避風冷濕地

先用花椒煎湯避風處洗却用此傳之累驗

**世**治小兒囊腫如升用甘艸煎汁調地龍末塗之立

退累効

傳藥方

牡蠣粉 貳分

乾地龍 碾末壹分

右用津唾調敷外腎熱者雞子清調敷

牡蠣散 治小兒外腎腫大莖物通明

用牡蠣粉研十分細先以唾津塗腫處次以牡蠣

粉摻

又方 治小兒卵腫研桃仁唾調敷

曾烏梅散

勻氣散

金菜丸

金鈴散

方並見疝

當歸散

見痢

牡蠣大黃湯 治三五歲小兒感受溫濕之氣侵襲

膀胱致陰莖膚囊浮腫作痛

牡蠣

用熟黃泥包裹炭火煨透出地上候冷用

大黃

紙裹水浸透煨過候冷用貳味各壹兩

右剉研為末每服壹錢無灰溫酒空心調服不能

飲者溫湯調少入酒同服

青木香湯 治小兒陰莖無故而腫或痛縮因陽明

經有風熱濕氣相搏法當寬此一經自愈蓋陽明

受病不能養其宗筋故也咳嗽痰喘亦宜服之

青木香 去蘆

枳殼 浸去穰麩炒各半兩 甘艸 貳錢半

右每服貳錢水壹盞煎七分不拘時溫服

立消散 治膀胱久受熱毒致陰器膚囊赤腫脹痛

赤小豆 赤芍藥 生枳殼

商陸 風化朴硝 另研後入各半兩

右件不過火剉晒為末栢枝煎湯候冷調貳錢或

參錢塗腫處仍服咬咀五苓散加車前子薏苡仁

水煎

木通散

見驚

天花散 治外腎膚囊腫痛

天花粉 貳兩

甘草 叁錢

右剉每服貳錢無灰酒壹盞煎七分空心溫服不能飲用水煎少入酒同服

# 偏墜

田小兒狐疝氣偏有大小時時上下者蜘蛛拾肆枚  
熬焦桂枝半兩二物為散每服八分日再酒調下蜜  
丸亦通

黑散

黃連

黃芩

大黃

黃蘗 各貳錢

右同燒存性為極細末雄豬膽汁蜜同調傳

偏墜亦宜防葵丸令兒坐於土中午時灸印下偏墜

繫

之處七壯防葵丸未詳

小兒偏墜若非胎中所有在後生者於莖下腎囊前  
中間弦子上灸七壯立愈

明胎產疝卵偏墜 囊縫後十字紋上灸三壯春灸

夏灸  
冬瘥

# 陰瘡

臘茶散 治小兒陰囊生瘡疼痛水出久不差

臘茶

五倍子

各伍錢

膩粉 少許

右為末先用葱椒湯洗後用香油調敷

一方 治陰囊生瘡疼痛

右先用川椒炒、鹽、酒、炒、乾、末、用、酒、煎、湯、洗、後、用、卵、枝、蛇、床、子、煎、湯、洗、後、用

朴硝為末雞子清調敷

一方 治陰生瘡膿水不乾

右用烏鰂魚骨為細末乾摻患處

一方

易林洗及作細末摻之妙

治小兒陰生瘡不乾

右用輕粉等分僧為末貼之如痒加山梔子訶子  
燒存性研同前藥為末先將米泔水洗淨然後敷  
貼此藥

# 不寐

薛經曰陽明胃脉也胃者六腑之海其氣亦下行陽明逆不得從其道故不得卧也又曰胃不和則卧不安夫人身之衛氣晝則行於陽夜則行於陰陽主動陰主靜寤則魂魄志意散於腑臟發於耳目動於肢體而為人身指使之用寐則神氣各歸五官而為默運之妙矣若脾胃氣盛則腑臟調和水穀之精各各融化以為平和之氣若胃氣一逆則氣血不得其宜腑臟不得其所不寐之證由此生焉當用四君遠志

酸棗仁肝腎虛熱者六味丸心血不足者真珠母丸  
思慮過度者歸脾湯精神短乏者人參養榮湯病後  
餘熱者酸棗仁湯膽虛不得眠者人參竹葉湯肝火  
不寧者加味小柴胡湯振悸不得眠者四君生薑酸  
棗仁夜啼驚哭不寐各詳別證當參求之

仲景酸棗湯 治虛勞虛煩不得眠

酸棗仁 炒壹錢 甘艸

知母 炒

茯苓 芎藭

生薑 各伍分

右水煎服

本事醫書

治膽虛不得眠四肢無力

鼈甲

酸棗仁炒

羌活

黃芪炒

牛蒡酒炒

人參各壹兩

五味子伍錢

右為末煉蜜丸梧子大每服三四十九溫酒下

聖惠治骨蒸勞熱煩心不得眠用酸棗仁叁錢水煎

熟下地黃汁一蛤蜊殼服之

本事真珠母丸 治肝膽二經因虛內受風邪臥則

魂散而不守狀若驚悸

真珠別研細 柒錢半

當歸

熟地黃各壹兩半

人參

酸棗仁炒

栢子仁各壹兩

犀角屑

茯神

沉香

龍齒

研各半兩

右為末煉蜜丸小豆大辰砂為衣每服二十九白湯下日午夜卧各一服

人參竹葉湯 治虛煩不得眠

人參

竹葉

甘草

各貳錢

半夏

小麥

麥門冬

各壹錢伍分

右每服貳錢薑貳片粳米壹匙水煎服

人參養榮湯

見盜汗

歸脾湯

見驚悸

# 咽喉

心鑑咽喉為一身之總要與胃氣相接呼吸之所從出若胸膈之間蘊積熱毒致生風痰壅滯不散發而為咽喉之病喉內生瘡或狀如肉腐為腫為痛窒塞不通吐嚥不下甚則生出重舌治之尤宜先去風痰以通咽喉然後解其熱毒遲則有不救之患又有熱毒衝干上腭而生瘡謂之懸癰及腑寒亦能令人咽喉吞吐不利臨病詳審治之 咽喉之疾本傷熱毒上攻也四時受熱藏心腑之間一日所觸上攻咽喉

所謂腎傷寒也然其證有單肉蛾雙肉蛾有重舌木  
舌疔腮有懸癰腫脹有裏外皆腫甚者上攻頭面皆  
腫大法先洗去口中舌上白胎其次掃去風涎如是  
單雙肉蛾可針則針有不可針者則用熏摻藥退後  
方依次用服藥如是木舌服藥之外仍用摻藥疔腮  
則用塗藥輕者但服藥而自退不須用針及藥點其  
瘡而自消也 薛小兒喉痺因膏粱積熱或稟賦有  
熱或乳母七情之火飲食之毒當分其邪蓄表裏與  
證之輕重經之所主而治之若左腮色青赤者肝膽  
經風熱也用柴胡梔子散右腮色赤者肺經有熱也

用瀉白散額間色赤者心與小腸經熱也用導赤散  
若兼青色風熱相搏也用加味逍遙散鼻間色黃脾  
胃經有熱也用瀉黃散若兼青色木乘土位也用加  
味逍遙散兼赤色心傳土位也用柴胡梔子散額間  
色赤腎經有熱也用地黃丸凡此積熱內蘊二便不  
通者當踈利之風邪外客而發寒熱者當發散之外  
感風邪大便閉結煩渴痰盛者當內踈外解若因乳  
母膏粱積熱者母服東垣清胃散若因乳母恚怒肝  
火者母服加味逍遙散稟賦陰虛者兒服地黃丸大  
槩當用輕和之劑以治其本切不可用峻利之藥以

傷真氣也

一小兒喉間腫痛驚悸飲水服驚風降

火之藥益甚仍欲攻風痰余曰驚悸飲水心經虛證

蓋胃為五臟之本先用五味異功散以補胃加桔梗

甘草以消毒諸證頓退後用牛蒡子湯加柴胡而愈

一小兒發熱引冷大便黃色手足並熱不能吮乳

視口內無患捫其喉間則哭此喉內作痛乃脾胃實

熱也用瀉黃清胃二散各一劑母子並服而愈後因

乳母飲酒兒躁不安口內流涎仍用前二散而愈

一小兒喉間腫痛發熱咳嗽大便秘結此肝與大腸

有熱也先用牛蒡子湯加硝黃一服大便隨通乃去

硝黃再劑頓愈審其母有肝火發熱用柴胡清肝散  
母子並服而痊

甘桔湯 治嬰孩感冒風熱火氣熏逼痘瘡蘊毒上

攻咽喉腫痛痰氣不順咳嗽失音

人參 去蘆 半兩

桔梗 蜜浸炒 壹兩

甘草 半生半 炙叁錢

右劉散用水煎不拘時候服

立効散 治嬰孩小兒咽喉痺痛不能吞嚥

鵬砂

龍腦

雄黃

朴硝 各半 錢

右為極細末乾摻

吹喉散 治嬰孩咽喉腫痛氣塞不通

甘草 生貳錢半 朴硝 壹兩

右為極細末乾摻喉中如腫甚者用小竹管吹入

喉內

牛蒡湯 主傷風發熱煩躁鼻塞氣喘痰嗽驚啼及

諸瘡赤紫丹毒咽喉腫痛

牛蒡子 參兩畧炒細研 大黃 壹兩半

防風 去蘆

薄荷 去老梗各壹兩 荆芥 去根梗肆兩

甘草 壹兩壹錢半

右咬咀每服貳錢水壹盞煎七分無時溫服

化毒湯 解風熱上攻咽喉腫痛飲食不便

桔梗

劉炒半兩

薄荷葉

荊芥穗

甘草

各貳錢半

山豆根

取淨皮上五味

壹錢半以俱焙為末

牙硝

鵬砂

朴硝

雄黃

硃砂

各貳錢以上五味乳鉢細研

右五味焙為末五味研為末同一處再研勻每用

一字至半錢乾點舌上化下或以溫湯濃調少與

含嚥亦可

備急散

治小兒諸般骨哽咽喉腫痛

五倍子

壹兩研

先春茶末

半兩

右二味和勻抄壹錢溫湯半盞調化無時少與嚥

下依法服餌不過三五次即効如骨出或刺破處  
血來多者鵬砂末陸錢水煎消毒散飲調服血止  
痛住腫消食進

牛蒡子湯

牛蒡子 炒杵

玄參

升麻

桔梗 炒

犀角 鎊

黃芩

木通

甘草 各等分

右每服壹貳錢水煎

拔萃桔梗湯 治熱腫喉痺

梧梗 炒

甘草 炒

連翹

梔子炒

薄荷

黃芩各等分

右為末每服壹貳錢水煎服

消毒飲 解急驚風毒赤紫丹瘤壯熱狂躁睡卧不

安胸膈滿悶咽喉腫痛九道有血安行及遍身瘡

疥

牛蒡子陸兩

荆芥穗貳兩

甘草壹兩

右剉每服貳錢水壹盞煎七分無時温服

柴胡飲見積熱

東垣人參安胃散見吐利

三因玉鑰匙

九味蘆薈丸見疳

濟生犀角地黃湯見吐

五味異功散見吐利

柴胡清肝散

目赤發熱